

Հայաստանի Հանրապետության
Արմավիրի մարզի Շենավան գյուղական
համայնքի ղեկավար՝ Ա. Մկրտչյանի
2017 թվականին կատարված աշխատանքների

Հաշվետվությունը

22.01.2018թ. ժամը 14⁰⁰-ին

Հայաստանի Հանրապետության Արմավիրի մարզի Շենավան գյուղական համայնքի ղեկավարը ղեկավարվելով Հայաստանի Հանրապետության Սահմանադրությամբ, նրանից բխող օրենսդրական և ենթօրենսդրական ակտերով, «Տեղական ինքնակառավարման մասին», «Իրավական ակտերի մասին», ՀՀ օրենքներով, համայնքի ղեկավարի աշխատակազմի, ավագանու և գյուղապետարանի ենթակա կայության տակ գտնվող հիմնարկների աշխատակիցների միջոցով իրականացրել է իր լիազորությունները՝ իրեն վերապահված իրավասությունների շրջանակներում:

2017թ. համայնքապետարանի աշխատանքային ծրագրի հիմքում դրված են եղել համայնքի սոցիալ-տնտեսական զարգացման գերակա ուղղությունները:

Հիմնական նպատակը՝ համայնքի բնակչության կենսամակարդակի բարձրացումն է, որին հասնելու ճանապարհին սահմանվել են կարևորագույն սոցիալ - տնտեսական խնդիրները, որոնք էլ անհրաժեշտություն է եղել լուծելու 2017թ. ընթացքում: Այդ խնդիրների լուծման համար կարևորագույն պայման է հանդիսացել Արմավիրի մարզպետի և մարզպետարանի աշխատակազմի ամենօրյա հոգատար վերաբերմունքը և համայնքի խնդիրների լուծմանն աջակից լինելու պատրաստակամությունը, որի արդյունքում արձանագրվել է որոշակի հաջողություններ, որոնք ըստ բնագավառների ներկայացնում են:

ԳՅՈՒՂԱՏՆՏԵՍՈՒԹՅԱՆ ԵՎ ԲՆԱՊԱՀՊԱՆՈՒԹՅԱՆ ԲՆԱԳԱՎԱՌ

Համայնքի Ղեկավարը աջակցում է համայնքի բնակչությանը գյուղատնտեսական աշխատանքների իրականացմանը, ինչպես նաև գյուղ . մթերքների իրացմանը:

Համայնքն ունի իր առանձնահատկությունները:

Հիմնականում զբաղվում են խաղողագործությամբ և պտղաբուծությամբ, ինչպես նաև բանջար-բոստանային կուլտուրաների մշակությամբ:

Տարեց-տարի փոխվում է մշակովի հողատարածքների կառուցվածքը՝ կրճատվել են հացահատիկային մշակաբույսերի ցանքատարածությունները, ավելացել են խաղողի, պտղի և բանջար-բոստանային կուլտուրաների տեսակարար կշիռը, որն էապես շահութաբեր է, սակայն իրացումը արդեն իսկ դժվարացել է:

Ուշադրության կենտրոնում է պահվում գյուղատնտեսական մշակաբույսերի վնասատուների դեմ պայքարի աշխատանքները:

Անմիջական հսկողություն է իրականացվում անասնաբուժական ծառայության գործում ժամանակին կատարվում է բոլոր տեսակի հակահամաճարակային միջոցառումները կենդանիների հիվանդությունների կանխարգելման ուղղությամբ: Կենդանիների շրջանում չի հայտնաբերվել ոչ մի տեսակի հիվանդություն:

Հետևողական և սիստեմատիկ հսկողություն է սահմանվում հանձնաժողովի կողմից առևտրի, հասարակական սննդի և կենցաղային ծառայությունների ոլորտում գործող օբյեկտների գործունեության վրա: Ներկայումս համայնքում գործում է 4 առևտրի օբյեկտ:

2017 թվականի ընթացքում գյուղատնտեսության բնագավառում գերակա խնդիրը ամռան վերջում և աշնան սկզբում ոռոգման ջրի սակավությունն էր, որը գյուղատնտեսական որոշ մշակաբույսերի բեքատվության անկման պատճառ հանդիսացավ:

ՀՈՂԱՇԻՆՈՒԹՅԱՆ և ՀՈՂՕՉՏԱԳՈՐԾՄԱՆ ԲՆԱԳԱՎԱՌ

Ամենօրյա ուշադրության կենտրոնում է գտնվում և օրենքով սահմանված կարգով վերահսկողություն է իրականացվում հողերի նպատակային օգտագործման վրա:

Ամենօրյա աշխատանք է տարվում հողօգտագործողների հետ հողի հարկի, գույքահարկի գծով գոյացած ապառքների հավաքագրման գործում:

Բնակիչներին տեղեկացվում և ծանուցվում է «Հողի հարկի արտոնություններ տրամադրելու մասին» ՀՀ օրենքի պահանջները: Իրականացվում է գույքահարկի բազայում ճշգրտման աշխատանքները, որը շարունակական է: Ելնելով համայնքի առանձնահատկությունից՝ կապված գյուղ – մթերքների՝ հատկապես խաղողի արտադրման հետ, համայնքում կատարվող սոցիալ – տնտեսական աշխատանքները հիմնականում պլանավորվել և կատարվել է հիմնականում 2-րդ կիսամյակում: Համայնքի վարչական տարածքը կազմում է 958.7 հա: Համայնքում կա շուրջ 165.3 հա խաղողի այգի, 166.2 հա պտղատու այգի, մյուս ցանքատարածքները կազմում են 357 հա:

ՔԱՂԱՔԱՇԻՆՈՒԹՅԱՆ ԵՎ ԿՈՄՈՒՆԱԼ ՏՆՏԵՍՈՒԹՅԱՆ ԲՆԱԳԱՎԱՌ

Կառավարության սահմանած կարգով վերահսկողություն է իրականացվում համայնքի քաղաքաշինական գործունեության նկատմամբ:

Խստագույնս արգելվում է առանց համապատասխան շինարարության թույլտվության որևէ շինարարական գործունեության իրականացում: Սահմանված կարգով տրվում է շինարարության և քանդման թույլտվություն:

Քաղաքացիների դիմումների հիման վրա կատարվել է հողամասերի չափագրման և սահմանների ճշգրտման աշխատանքներ, տրվել են ճշտված իրավիճակային հատակագծեր:

Սիստեմատիկաբար կատարվում է խմելաջրի ջրագծերի վթարների հայտնաբերման և վերացման աշխատանքներ: Սահմանվում է հսկողություն խմելաջրի որակի, ինչպես նաև վարակազերծման նկատմամբ:

Սիստեմատիկաբար կատարվում է աղբահանություն, այդ նպատակով հատկացված է տրանսպորտ, աղբը թափվում է հատկացված վայրում:

2017 թվականի ընթացքում համայնքապետարանի աջակցությամբ թվով 2 փողոցներ գազաֆիկացվեցին:

ԱՇԱԿՈՒՅԹԻ ԵՎ ԵՐԻՏԱՍԱՐԴՈՒԹՅԱՆ, ԿՐԹՈՒԹՅԱՆ, ԱՌՈՂՋԱՊԱՀՈՒԹՅԱՆ, ՍՊՈՐՏԻ, ՍՈՑԻԱԼԱԿԱՆ ԾԱՌԱՅՈՒԹՅԱՆ ԲՆԱԳԱԿԱՐ

Համայնքում գործում է 1 միջնակարգ դպրոց:

Միջնակարգ դպրոցի աշակերտների թիվը՝ 184, նախակրթարան են հաճախում 22 երեխա:

Միջնակարգ դպրոցի աշխատողների թիվը՝ 41, որից՝ ուսուցիչներ՝ 27: Համայնքապետարանի կողմից մեծ ուշադրություն է դարձվում դպրոցին:

Կրթության որակը գտնվում է բարձր մակարդակի վրա: Այս ուսումնական տարում 3 աշակերտներ ընդունվել են Հանրապետության պետական տարբեր բուհեր:

Համայնքապետարանի նախաձեռնությամբ դպրոցում կազմակերպվել է տարբեր միջոցառումներ և տրվել նվերներ:

Վթարային վիճակում է գտնվում մանկապարտեզի շենքը՝ շուրջ 18 տարուց ավել այն չի գործում, որը և բացասաբար է անդրադառնում մատաղ սերնդի դաստիարակման վրա:

Շենքի վերանորոգման համար պահանջվում է մեծ ֆինանսական միջոցներ, որը գյուղապետարանը այսօր հնարավորություն չունի ներդնելու: Բազմաթիվ անգամ որպես համայնքի կարևորագույն հիմնանդիր հարց ենք բարձրացրել այն վերանորոգելու համար, սակայն ապարդյուն:

Մշակույթի տունը գտնվում է անբարեկարգ վիճակում, ինչը հնարավորություն չի տալիս կազմակերպել տարբեր տեսակի միջոցառումներ:

Մշակույթի տան անբավարար վիճակի պատճառով համայնքի գրադարանի գրքային ֆոնդը տեղափոխվել է Շենավանի միջնակարգ դպրոց: Համայնքի գրադարանի գրքային ֆոնդը կազմում է 5428 կտոր գրականություն: Գրադարանը միջնակարգ դպրոցի հետ համատեղ կազմակերպել է տարբեր բնույթի միջոցառումներ, գրական ցերեկույթներ:

Մեծ ուշադրություն է դարձվում թոշակառուներին և երիտասարդության հետ տարվող աշխատանքներին՝ նրանց հանգիստը նորմալ կազմակերպելու նպատակով: Գործում է խաղաղասենյակ, որտեղ կազմակերպվում է տարբեր բնույթի խաղեր, առաջնություններ:

Ուշադրության կենտրոնում է գտնվում սպորտի զարգացումը: Անցկացվում է նարդու և շախմատի մրցաշար, հաղթողները խրախուսվում են:

Համայնքի Ղեկավարի ամենօրյա ուշադրության կենտրոնում է նաև առողջապահության ոլորտը:

Աջակցում է սանիտարահիգիենիկ վիճակի բարելավմանը, հակահամաճարակային միջոցառումների իրականացմանը: Վերահսկվում է առողջապահական հիմնարկի աշխատանքները:

Համայնքի Ղեկավարի նախաձեռնությամբ համայնքում շուտով բացվելու և կահավորվելու է երկրորդ Խաղասենյակը:

Համայնքի բնակչության բուժ. սպասարկումը գտնվում է բարձր մակարդակի վրա:

Համայնքում գործում է «Խնամակալության և հոգաբարձության» հանձնաժողով, որի հիմնական խնդիրը թափառաշրջիկ, իրավախախտ, անօթևան երեխաների հայտնաբերումն ու դաստիարակումն է: Ի ուրախություն մեզ՝ համայնքում նման երեխաներ չկան:

Ուշադրության կենտրոնում է գտնվում սոցիալապես անապահով ընտանիքները, որոնց տրվում է ֆինանսական օգնություն: 2017 թվականի ընթացքում համայնքի սոցիալապես անապահով ընտանիքների տրվել է դրամական օգնություն 240 հազ. դրամի չափով:

Համայնքում հաշվառված են ընդամենը՝ 216 թոշակառուներ, այդ թվում՝ 193-ը՝ ծերության և աշխատանքային, 5՝ ը զինվորական 18-ը՝ հաշմանդամության: Նպաստառու ընտանիքների թիվը կազմում է 21: Թոշակները և նպաստները տրվում են ժամանակին:

Համայնքում բարձր է պատասխանատվությունը զորակոչի նկատմամբ: Զորակոչից խուսափողներ չկան:

Համայնքի տնտեսությունների թիվը՝ 708, բնակչության թիվը՝ 1761 մարդ, գյուղատնտեսության մեջ զբաղված են՝ 1200 մարդ:

2017 թվականին Շենավան համայնքում ծնվել են 23 երեխա, մահացածների թիվը՝ կազմում է 17 մարդ:

ՖԻՆԱՆՍԱԿԱՆ ԲՆԱԳԱՎԱՌ

31.12.2017թ-ի. դրությամբ հավաքագրված եկամուտները կազմել են

հազ. դրամ

N	անվանումը	ալան	փաստացի	կատարողական
	ընդամենը վարչական բյուջե	40106.3	29799.6	74.2
1.	հողի հարկ	17503.8	7220.3	41.2
2.	գույքահարկ	3513.3	3485.3	99.2
3.	տեղական տուրքեր	110.0	0.0	0.0
4.	տեղական վճար	0.0	0.0	0.0
5.	ոչ հարկային եկամուտներ	0.0	0.0	0.0
6.	հողերի վարձավճար	1700.0	1814.0	106.7
	ընդամենը սեփական եկամուտներ	22826.3	12519.6	54.8
7.	այլ եկամուտներ			
8.	պետ. բյուջեից տրամադրվող դոտացիա	17280.0	17280.0	100.0
9.	սուբվենցիա	0.0	0.0	0.0
10.	Ֆոնդային բյուջեի եկամուտ	0.0	0.0	0.0

31.12.2017թ-ի. դրությամբ կատարված ծախսերը

հազ. դրամ

N	ծախսերի անվանումը	ալան	փաստացի	կատարողական
1.	տեղական ինքնակառավարում	17639.0	15983.3	90.6
2.	ջրամատակարարում	12000.0	9322.0	77.7
3.	աղբահանություն	1000.0	150.0	15.0
4.	մշակույթ , սպորտ, կրոն	2883.3	2878.4	99.8
5.	գյուղատնտեսություն	180.0	73.0	40.5
6.	սոցիալ-անապ. ընտանիք. օգնություն	3000.0	240.0	0.1
7.	Վառելիքաէներգոտիկ համակարգ	0.0	0.0	0.0
8.	արտաքին լուսավում	0.0	0.0	0.0
9.	պահուստային ֆոնդ	3000.0	0.0	0.

10.	կրթություն և գիտություն	405.0	405.0	100.0
11.	ֆոնդային մաս	4000.0	3189.0	79.7
12	վարչական	40106.3	25624.7	63.8

2017 թվականի ընթացքում համայնքի ղեկավարի կողմից արձակվել է 17 կարգադրություն, ընդունվել է 23 որոշում:

Համայնքի ղեկավարի աշխատակազմի քարտուղարի կողմից արձակվել է 3 հրաման:

Քաղաքացիների առաջարկությունների, դիմումների և բողոքների քննարկման կարգի մասին» ՀՀ օրենքի 7-րդ հոդվածի պահանջի համաձայն, Շենավանի համայնքետարանում 2017 թվականի հունվարից մինչև օրս քաղաքացիների կողմից ստացվել է 17 դիմում:

Դիմումներում բարձրացվել են սոցիալական, ֆինանսական, հողային, շինարարության և այլ բնույթի հարցեր, որոնք սահմանված կարգով քննարկվել են և տրվել պատշաճ լուծումներ:

Ընթացիկ ժամանակահատվածում համայնքապետարանում ստացվել է 337 գրություն, հղվել է 207 պաշտոնական գրություն: Քաղաքացիներին տրվել է 617 տեղեկանքներ:

2017 թվականի ընթացքում համայնքապետարանի և իր ենթակայության տակ գտնվող հիմնարկների աշխատակիցների թվաքանակը կազմում է 14 մարդ, 1 ընտրովի պաշտոն, որից 4-ը համայնքային ծառայողներ, 5 -ը՝ հայեցողական պաշտոններ և 2-ը՝ տեխնիկական աշխատողներ, 1-ը՝ ակումբ գրադարանի, 1-ը՝ խմելաջրի սպասարկման և շահագործման նպատակով աշխատողներ :

2017 թվականի հունվարից մինչև օրս աշխատավարձի և սոց. վճարումների պարտքեր չկան:

2017 թվականի ընթացքում համայնքի ավագանին գումարել է 6 հերթական նիստ և 1 արտահերթ նիստ, որտեղ քննարկվել են համայնքի խնդիրներին վերաբերվող տարբեր բնույթի հարցեր և կայացվել որոշումներ:

2018 թվականի հունվարի 22-ին ժամը 14:00 –ին համայնքապետարանում տեղի ունեցավ Ժողով:

Ժողովին մասնակցում էր Արմավիրի Մարզպետարանի Աշխատակազմի Իրավաբանական վարչության պետ Յու. Մանվելյանը:

Համայնքի ղեկավարի 2017 թվականի կատարած աշխատանքները գնահատվեց բավարար:

ՀԱՄԱՅՔՈՒՄ ԱՌԿԱ ԵՆ ՀԵՏԵՎՅԱԼ ՀԻՄՆԱԽՆԴԻՐՆԵՐԸ

1. Մանկապարտեզի շենքի վերանորոգում
2. Մշակույթի տան վերանորոգում
3. Գազաֆիկացման ցանցի ընդլայնում
4. Հուշարձան այգու ցանկապատում
5. Խմելու ջրագծերի վերանորոգում:

Շենավան համայնքի ղեկավար՝

Արթուր Մկրտչյան